

SARS E FEDIŠITŠE DINGANGIŠANO TŠA MOŠOMONG GOMME E BUŠA BAŠOMI BA YONA BA PELENG

Tshwane, 22 Nofemere 2022- Ditirelo tša Motšhelo tša Afrika Borwa (SARS) di thakgaletše go bega gore e fedišitše dingangišano tša mošomong gomme e bušitše bašomi ba yona ba peleng ba ba bedi mošomong, Moh. Hope Mashilo le Moh Tshebeletso Seremane go tloga ka la 1 Setemere 2022. Se se laetša phihlelelo ya go tšwetšwapele ka go bušetša le go lokiša ditlamorago tše šoro tša go thopša ga SARS gape le leeto la go agaleswa boitshepo bja setšhaba le potego.

SARS e amogela dihlokofatšo tšeo di dirilwego go Moh. Mashilo le Moh Seremane ge ka 2015, ka lebaka la tshepetšo ya kagoleswa ya Bain and Co, maemo a bona a ka SARS a ile a theošwa, ba ile ba gapeletšwa go amogela maemo ao a bego a sa amogelwa go kago e empsha, kgopelo ya leboeletša ya tshedimošo e wetše ditsebeng tša go se kwe gomme ge ba ganne go tšea maemo ao, go lebišitše go go rakgwa ga bona “go ya ka dinyakwa tša tshepetšo ya mošomo” go ya ka karolo ya 189 ya Molao wa Dikamano tša Mošomo wa 66 wa 1995 (“the LRA”), bjale ka ge o fetošitšwe.

Khomišinare Kieswetter o boletše gore: “Taba ye ke marangrang gomme e ama dikgatlhego tša bašomi ba peleng ba ba bedi bao ba amegilego gampe ke magato a ketapele ya SARS a maikemišetšo a go thopša ga SARS. Mo maamong a bjalo, ga se fela bašomi ba peleng ba amegilego gampe ke Khomišinare wa peleng wa SARS eupša SARS le yona e bile motšwasehlabelelo wa go thopša.

Bjale ka Khomišinare wa bjale le Molaodimogolo wa Khuduthamaga wa SARS, kena le maikarableo a semolao a go šireletša seriti sa setheo le boitlamo baja semolao go bušetša morago ditlamorago tša kamompe ya go thopša ga SARS. Go tla dula go le bohlokwa gore tshepetšo yeo re e latelago e ba le seriti, e dumelela poelanyo ya toka le pholo, gape le go tlhoma le go tšwetšapele leeto la SARS la go aga leswa boitshepo bja setšhaba le tshephagalo.

Go morero wo, ke ile ka swanela ke go gata ka tlhokomelo dikgatlhego tša bao ba amegago go ba bušetša ka SARS ka seriti, mola ka nako e tee, go šireletšwe setheo le go tšwetšapele seo e se emelago bjale ka thoto ya bosetšhaba. Ka go sepetša morero wo ka thelelo, baswayiswayi ba bangwe ba badile temošo ya ka gore ke be ke emelela Mrn. Moyane, Khomišinare wa peleng, ka go tiišetšagape ditlamorago tša go thopša ga SARS. Bjale ka ge

ke šetše ke boletše peleng, ga ke kolote motho selo. Ke emela setheo e sego batho bao e thophilego. SARS le nna re tla tšwelapele go dira bjale le go phethagatša tagafara ya SARS ntle le fiega, kgethollo le tshekamo.

Ba bangwe ba latofaditše gore morerongwo ga se ke be kwelobohlogo go selo sa basadi le basadi go hloka balekani. Bophelong bja kaka moka mošomong, ke laeditše boitlemo bja go se fetoge go laola ka kwelobohlolo le kgatelopele ya tekatekano ya bobedi banna le baasdi mošomong ge go etla go tshwaro ya tekatekano, tekatekano ya leago le letšu la go swana. Maloko a mabedi ga a fapane ka mokgwa wo.”

SARS le maloko ba amogela maatla a mošomo wa Morero wa Godimo wa go kgontšha Mmušo go aga pušo ya kgonagalo, yeo e laetšago go gola ga ekonomi yeo e hlekilego le tšwetšopele ya selegae yeo e direlago maphelo a maAfrika Borwa ka moka. Ke ka lebaka la Morero wa Godimo wa go tswalanya SARS le maloko go ikgafela go bušetša morago go thopša ga SARS. Tiišetšo ye e tlišitšwego ke SARS le maloko le phethagalo e botse ya ditherišano tša go hwetša tekatekano magareng ga dikgatlhego tša bona le dikgatlhego tša SARS le setheo.

Khomišinare Kieswetter o amogetše gore “magato a SARS ka nako yeo a bile le dikamano tše mpe tša tšhaparego maphelong a Moh. Mashilo le Moh. Seremane le malapa a bona. SARS e tloga e itshola kudu bakeng sa go baka mahloko, mahlomola le ditlaišego tšeo di hlagetšego malapa a bona. Ka boikokobetšo ke tloga ke holofela gore ka sephetho sa tshepetšo ye, batho ka noši bao le ba malapa a bona bao ba amegilego ba ka itemogela sephetho sa tswalelo gomme ba tšwelapele ka maeto a bona a go fola le tsošeletšo.

Ke leboga maloko bakeng sa boikgafo bja bona go SARS le seo SARS e dumelago go sona. Legatong la SARS, ke amogela Moh. Mashilo le Moh. Seremane morago bjalo ka bašomi ba SARS gore ba boye ka potlako go thomiša ka ga mešomo ya bona le go kgathatema ka matlhakgatlhakga ka go agaleswa SARS ya sebjalebja ka phethagalo yeo e holofelwago gape e ratwago ke bohle.